



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1514. usque ad annum 1520

Fleury, Claude

August. Vind. [u.a.], 1769

VD18 90118464

§. 78. Breve Apostolicum Saxoniae Electori ab Aleandro traditum

[urn:nbn:de:hbz:466:1-66414](https://nbn-resolving.org/urn:nbn:de:hbz:466:1-66414)

Sæcul. XVI. batur, quocum etiam Romam petebat.
A. C. 1520. Per itineris hujus opportunitatem per-
 specta erat Leoni X. viri præstantia, qui
 eundem frequenti colloquio honoratum
 Romæ detinuit; unde Pontifex, cum Ale-
 leandri merita probe explorata haberet,
 eo neminem ad secundam demandati ne-
 gotii executionem magis idoneum fore
 arbitrabatur. Nec eum sua fefellit opi-
 nio: Aleander enim summa cum laude
 hanc legationem obibat, tam morum sua-
 vitate, quam doctrina orisque facundia
 ubique commendatus.

§. LXXVIII.

*Breve Apostolicum Saxonice Electori
 ab Aleandro traditum.*

Hujus duntaxat itineris socium habe-
 bat Aleander Marinum Caraccio-
 lum, qui Pontificis nuncius erat ad Ca-
 rolum V. Imperatorem; ambo igitur Co-
 loniam, ubi tum Saxonie Elector agebat,
 contendunt, ubi quoque sat benevole ex-
 cipiuntur, habitaque frequenti consul-
 tatione Electori Breve Apostolicum por-
 rigunt; his Literis summus Pontifex E-
 lectorem de Constitutione adversus Lu-
 therum nuper promulgata certiozem red-
 debat, rogabatque, ut hanc legem in to-
 ta ditione sua executioni mandari cura-
 ret, huncque Religiosum vel ad errores
 suos

*Ulemburg
 in vita Luth.*

suos infra præfixum tempus revocandos compelleret, vel illum Romanæ Curiaë Ministris traderet, si vero hæreticis suis opinionibus contumax insisteret, eundem saltem e Saxonia expelleret. Ceterum Papa Hieronymo Aleandro Eckium quoque Doctorem adjungebat, eo consilio, ut ambo junctis viribus, Religionis causam in Germania, si possent, concluderent, ac tandem dirimerent; quapropter Hieronymus hac de re Electorem certiore fecit, enixe rogans, ut sua eos familiaritate honoraret, atque ad peragenda Apostolica jussa illos consilio, & ope juvaret.

Sæcul. XVI.
A. C. 1520.

Raynald. hoc
ann. n. 60.

§. LXXIX.

Responsum Electoris Saxonici.

Verum Elector horum preces flocci pendebat, nimio in Lutherum affectu captus, & quamvis tum verbis alienum ab eo animum ostenderet, nec palam se ejus fautorem profiteretur, nihilominus fat aperte monstrabat, nolle se, aut Lutherum carceri dare, aut eundem Curiaë Romanæ tradere; quapropter Aleandro hoc duntaxat responsum dedit, maximi ponderis rem id esse, proin maturam exposcere deliberationem, se quid hac in re decrevisset, nunciaturum. Tertia effluebat dies, qua scripto animi sui propositum

Raynal. n. 6.

Ulemb. l. c. c. 5